

Broj: 03-02-323/2022
Sarajevo, 20.05.2022. godine

**PARLAMENT FEDERACIJE
BOSNE I HERCEGOVINE**

Bosna i Hercegovina
Federacija Bosne i Hercegovine
**PARLAMENT FEDERACIJI
SARAJEVO**

Prilijeno: 20-05-2022			
Org. jed.	Broj	Priloga	Vrijednost
01	- 02 -	526	1/22

- **Predstavnički dom-
gosp. Mirsad Zaimović, predsjedavajući**

PREDMET: MIŠLJENJE VLADE FEDERACIJE BIH

Poštovani,

U skladu sa čl. 165., 172. i 179. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH" br. 69/07, 2/08 i 26/20), Vlada Federacije Bosne i Hercegovine, na 315. sjednici, održanoj 19.05.2022. godine, utvrdila je Mišljenje na Prijedlog zakona o dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacijskih objekata, koji su predložili Salko Zildžić, Husein Topčagić i Mujo Hasić, poslanici u Predstavničkom domu Parlamenta Federacije Bosne i Hercegovine, koje u prilogu dostavljam.

S poštovanjem,



PREMIJER
Fadil Novalić

CO: FEDERALNO MINISTARSTVO PROSTORNOG UREĐENJA
gosp. Josip Martić, ministar

GOVERNMENT

Na osnovu člana 51. Poslovnika o radu Vlade Federacije BiH-Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa čl. 165., 172. i 179. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH" br. 69/07, 2/08 i 26/20), Vlada Federacije Bosne i Hercegovine je, nakon razmatranja Prijedloga zakona o dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacijskih objekata, koji su predložili Salko Zildžić, Husein Topčagić i Mujo Hasić, poslanici u Predstavničkom domu Parlamenta Federacije Bosne i Hercegovine, na 315. sjednici, održanoj 19.05.2022. godine, utvrdila slijedeće

MIŠLJENJE

Razmotrivši podneseni Prijedlog zakona uvažених poslanika Vlada Federacije Bosne i Hercegovine cijeni da svaki prijedlog zakona koji ima za cilj poboljšanje i unaprijeđenje postojećih zakonskih rješenja je kao takav osnovan. Međutim, kako je u posljednje vrijeme od strane poslanika odnosno delagata u Parlamentu Federacije BiH pokrenuto više inicijativa za izmjene i dopune ovog zakona različitih intencija to cijenimo da bi se trebalo pristupiti donošenju novog zakona koji bi objedinio sve predložene inicijative te na jedinstven i sistematičan način uredio ovu oblast. S tim u vezi smatramo da donošenje ovog zakona pa skraćenoj proceduri nije prihvatljivo imajući u vidu činjenicu da je ovim zakonom obuhvaćena materija koja se odnosi na strane sa dijametralno suprotnim pravnim interesima odnosno korisnici prava na naknadu (jedinice lokalne samouprave) s jedne strane i obaveznici plaćanja naknade (javna elektroprivredna preduzeća) s druge strane te bi o istom bilo neophodno izvršiti i šire konsultacije svih zainteresovanih strana. Konkretno, Vlada Tuzlanskog kantona zaključkom broj: 02/1-02-1216/22 od 25.1.2022. godine prihvatila je inicijativu Javnog preduzeća za vodoprivrednu djelatnost „SPREČA" d.d. Tuzla od 24.1.2022. godine o načinu donošenja i efektima primjene Zakona o dopuni Zakona o izdvajanju i usmjeravanju dijela prihoda preduzeća ostvarenih korištenjem hidroakumulacionih objekata („Službene novine Federacije BiH", broj: 105/21) u smislu izuzimanja hidroakumulacija čija je prvenstvena namjena vodosnabdijevanje stanovništva i privrede od obaveza plaćanja godišnjeg iznosa naknade koji ne može biti manji od 1500 KM po 1 ha hidroakumulacijom potopljene površine. Općina Lukavac međutim, zaključkom broj: 01-02-1007-2721 ad 14.3.2022. godine zatražila je od Parlamenta Federacije BiH da odmah obustavi procedure donošenja bilo kakvih izmjena i dopuna predmetnog zakona jer nije objektivno sagledano činjenično stanje i inicijative su štetne po interes lokalne zajednice. Federalno ministarstvo energije, rudarstva i industrije kao nosilac izrade novog zakona shodno mišljenju Vlade Federacije BiH sa 271. sjednice održane dana 24.6.2021. godine, u saradnji sa Federalnim ministarstvom prostornog uređenja, Federalnim ministarstvom poljoprivrede, vodoprivrede i šumarstva predložit će Vladi Federacije BiH odnosno Parlamentu Federacije BiH novo zakonsko rješenje koje bi sadržavalo sve predložene inicijative i prijedloge za izmjenama i dopunama važećeg zakona koje jesu osnovane, a sve u cilju uređenja ove oblasti na sveobuhvatan i sistematičan način.

V. broj: 710 /2022
19.05.2022. godine
Sarajevo

